



სატენდერო დოკუმენტაცია

გამარტივებული ელექტრონული ტენდერის საშუალებით ავტომობილების ტექნიკური მომსახურების შესყიდვის შესახებ

სატენდერო დოკუმენტაცია შედგენილია “სახელმწიფო შესყიდვების შესახებ” საქართველოს კანონის მე-12¹ მუხლის, “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ. თბილისი

2016 წელი

სარჩევი

- I. ტექნიკური დოკუმენტაცია -----3
- II. სახელმწიფო შესყიდვების შესახებ ხელშეკრულების პროექტი—6
- III. დანართები №1 (მანქანების დასახელება/აღწერილობა), №2 (განფასების ცხრილი-პრეისკურანტი)

ტექნიკური დოკუმენტაცია

პრეტენდენტის მიერ ერთიან ელექტრონულ სისტემაში ატვირთული ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:

ა) პრეტენდენტის რეკვიზიტებს (დასახელება, იურიდიული და ფაქტიური მისამართი, ფიზიკური პირის შემთხვევაში – საცხოვრებელი ადგილი), ხელმძღვანელის სახელი და გვარი, საკონტაქტო პირის/ების სახელი, გვარი, ტელეფონის ნომერი, ელექტრონული ფოსტის მისამართი, საბანკო რეკვიზიტები).

ბ) განფასების ცხრილს (პრეისკურანტი) დანართი №2-ის შესაბამისად.

გ) ინფორმაციას საგარანტიო პირობების შესახებ გაწეულ ტექნიკურ მომსახურებაზე ან/და ავტომობილის ნაწილებზე.

დ) ინფორმაციას პრეტენდენტის მიერ შემოთავაზებული ტექნიკური მომსახურების სერვის-ცენტრების შესახებ (ადგილმდებარეობის მითითებით). პრეტენდენტს უნდა შეეძლოს მომსახურების გაწევა მინიმუმ ორ სერვის-ცენტრში ქ. თბილისში, მათ შორის, ერთი სერვის-ცენტრი უნდა მდებარეობდეს თბილისის საერთაშორისო აეროპორტიდან არაუმეტეს 15 კმ-ის მანძილზე. პრეტენდენტს უნდა შეეძლოს მომსახურების გაწევა დასავლეთ საქართველოს ერთ-ერთ შემდეგ ქალაქში მდებარე სერვის-ცენტრში: ქ. ზესტაფონი, ქ. ქუთაისი, დაბა ქობულეთი, ქ. ბათუმი, ქ. ფოთი. სერვის-ცენტრებში შესაძლებელი უნდა იყოს არანაკლებ 3 ავტომობილის ტექნიკური მომსახურება ერთდროულად.

ე) პრეტენდენტს უნდა გააჩნდეს ხარისხის მართვის სტანდარტის ISO 9001-ის სერიის მოქმედი სერთიფიკატი, რომელიც უნდა აიტვირთოს ელექტრონულ სისტემაში.

შესყიდვის ობიექტია დანართი №2-ის შესაბამისად ავტომობილების შეკეთება და ტექნიკური მომსახურება, საჭიროების შემთხვევაში, სათადარიგო ნაწილების მიწოდებით (შემდგომში, მომსახურება).

მიმწოდებელი ვალდებულია გასწიოს დანართ №1-ში მოცემული მანქანების ტექნიკური მომსახურება. დანართ №1-ში მოცემულია მანქანების ჩამონათვალი, მოდელი, სახელმწიფო ნომერი, რაოდენობა, გამოშვების წელი, სიმძლავრე, საწვავის ტიპი.

გაწეული ტექნიკური მომსახურების ან/და სათადარიგო ნაწილების საგარანტიო პერიოდია არანაკლებ 6 თვე. საგარანტიო პერიოდში მიმწოდებელი ვალდებულია საკუთარი ხარჯით აღმოფხვრას აღმოჩენილი ნაკლი (ხარვეზი) ან/და შეცვალოს დაყენებული სათადარიგო ნაწილი ახლით.

შემსყიდველის მოთხოვნის საფუძველზე მიმწოდებელი ვალდებულია დაიწყოს მანქანების ტექნიკური მომსახურების გაწევა დაუყოვნებლივ, რიგგარეშე. მომსახურების გაწევის ვადა განისაზღვრება მხარეთა შეთანხმებით, რომელიც არ უნდა აღემატებოდეს 30 დღეს.

შემსყიდველის მოთხოვნის საფუძველზე, მიმწოდებელი ვალდებულია დაათვალიეროს მანქანა. დათვალიერების შედეგად მხარეები ადგენენ დეფექტურ აქტს, რომელშიც უნდა აღინიშნოს

გასაწევი მომსახურების აღწერილობა, ღირებულება, მომსახურების გაწევის დაწყებისა და დასრულების ვადა.

მომსახურების გაწევისას, პრეისკურანტში ტექნიკური მომსახურების რომელიმე სახეობის/სათადარიგო ნაწილის არარსებობისას, ამ მომსახურების სახეობის/სათადარიგო ნაწილის ღირებულება დგინდება მხარეთა მიერ გაფორმებული შეთანხმების აქტის საფუძველზე საბაზრო ფასის გათვალისწინებით.

სატენდერო წინადადება ხელმოწერილი უნდა იყოს პრეტენდენტის წარმომადგენლობაზე უფლებამოსილი პირის მიერ.

პრეტენდენტს შეუძლია წარმოადგინოს ერთი სატენდერო წინადადება. ალტერნატიული სატენდერო წინადადება არ დაიშვება.

მომსახურების გაწევის ვადაა სახელმწიფო შესყიდვის შესახებ ხელშეკრულების ძალაში შესვლიდან **2017 წლის 31 დეკემბრამდე პერიოდი**.

პრეტენდენტის მიერ დაფიქსირებული სატენდერო წინადადების ფასი უნდა ითვალისწინებდეს მომსახურების გაწევისას დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს გარდა დამატებული ღირებულების გადასახადისა.

პრეტენდენტი ელექტრონული ვაჭრობის დროს წინადადების ფასის კლებას ახდენს განფასების ცხრილის (პრეისკურანტის) სავარაუდო ღირებულებასთან მიმართებაში, რაც პროცენტუალად და პროპორციულად უნდა აისახოს პრეისკურანტზე. პრეისკურანტის სავარაუდო ღირებულებაა **127164.00** (ასოცდაშვიდი ათას ას სამოცდაოთხი) ლარი, რომელიც დღგ-ს არ შეიცავს. სახელმწიფო შესყიდვის შესახებ ხელშეკრულების ღირებულებაა **55000.00** (ორმოცდათხუთმეტი ათასი) ლარი დღგ-ს გარეშე, რომელსაც სახელმწიფო შესყიდვის შესახებ ხელშეკრულებაში დაემატება დღგ საქართველოს კანონმდებლობით დადგენილი წესით.

ანგარიშსწორება მოხდება ეტაპობრივად, ფაქტიურად გაწეული მომსახურების შესაბამისად მიღება-ჩაბარების აქტის ხელმოწერიდან, შემსყიდველისთვის საგადასახადო ანგარიშფაქტურის წარდგენიდან 10 დღის ვადაში. წინასწარი ანგარიშსწორება არ დაიშვება.

შესყიდვის ობიექტის კლასიფიკატორის კოდია **50110000, 50112000, 50112200**.

მომსახურების გაწევის ადგილი: მიმწოდებელმა უნდა გასწიოს მომსახურება სერვის-ცენტრებში. მიმწოდებელმა უნდა გასწიოს მომსახურება ყოველდღე, გარდა საქართველოს შრომის კოდექსით გათვალისწინებული უქმე დღეებისა.

მომსახურების გაწევის პირობები და მანქანების ჩამონათვალი მოცემულია დანართებში №1 და №2, რომლებიც სატენდერო დოკუმენტაციის და ხელშეკრულების განუყოფელი ნაწილებია.

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა შესაძლებელია

დასაბუთდეს მომსახურების განფასების (პრეისკურანტის) ექსპერტიზით, რომელიც უნდა ჩაატაროს ლევან სამხარაულის სახელობის ექსპერტიზის ეროვნულმა ბიურომ ან აკრედიტებულმა შესაბამისმა პირმა. პრეტენდენტმა უნდა წარმოადგინოს განფასების ექსპერტიზის შედეგად გაცემული დასკვნა, აგრეთვე დოკუმენტი, რომლითაც დადასტურდება, რომ ფასწარმოქმნის ადეკვატურობაზე საექსპერტო დასკვნის გამცემი პირი აკრედიტებულია შესაბამისი ორგანოს მიერ შესაბამის სფეროში (ამ დოკუმენტის წარმოდგენა სავალდებულოა, თუ დასკვნის გამცემი არ არის სსიპ “ლ. სამხარაულის სახელობის ექსპერტიზის ეროვნული ბიურო”). პრეტენდენტმა უნდა აანაზღაუროს დასკვნის გაცემასთან დაკავშირებული ხარჯები. განფასების საექსპერტო დასკვნის წარმოსადგენად პრეტენდენტს განესაზღვროს 10 სამუშაო დღე

დამატებითი ინფორმაცია შეგიძლიათ მიიღოთ შემდეგი პირებისგან: ქეთევან მეხუზლა; ტელ: 2 744 373; იოსებ ზარნაძე; ტელ: 2 744 296.

სახელმწიფო შესყიდვის შესახებ ხელშეკრულების პროექტი

ქ. თბილისი

_____ 2017 წელი

ერთის მხრივ, შპს “საქაერონავიგაცია” (შემდგომში, შემსყიდველი) წარმოდგენილი გენერალური დირექტორის, გოჩა მეზურიშვილის სახით და მეორეს მხრივ, _____ (შემდგომში, მიმწოდებელი) წარმოდგენილი დირექტორის _____სახით, გამარტივებული ელექტრონული ტენდერის ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების ობიექტი

- 1.1. ხელშეკრულების ობიექტია მანქანების ტექნიკური მომსახურების შესყიდვა სათადარიგო ნაწილების მიწოდებით (შემდგომში, მომსახურება).
- 1.2. ხელშეკრულება იდება №SPA----- გამარტივებულ ელექტრონულ ტენდერში გამარჯვებულ პირთან.
- 1.3. შესყიდვის ობიექტის კლასიფიკატორის კოდია 50110000, 50112000, 50112200.

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია განახორციელოს კონტროლი ხელშეკრულების პირობების შესრულებაზე, რომლის მიზანია მომსახურების მოცულობის, ხარისხისა და გაწვევის ვადების შესაბამისობის დადგენა ხელშეკრულებით გათვალისწინებულ პირობებთან.
- 2.2. ხელშეკრულების პირობების შესრულებაზე კონტროლს შემსყიდველის სახელით ახორციელებს -----.

მუხლი 3. მომსახურების მიღება-ჩაბარების წესი

- 3.1. მომსახურების გაწვევის თაობაზე მხარეების უფლებამოსილი წარმომადგენლები აფორმებენ მიღება-ჩაბარების აქტს.

- 3.2. შემსყიდველის სახელით მიღება-ჩაბარების აქტზე ხელმოწერის უფლებამოსილება ენიჭება -----.

მუხლი 4. ხელშეკრულების ღირებულება და ანგარიშსწორების წესი

- 4.1. ხელშეკრულების ჯამური ღირებულება შეადგენს ----- (-----) ლარს.
- 4.2. შემსყიდველი ვალდებულია გადაუხადოს მიმწოდებელს ხელშეკრულების ჯამური ღირებულება მომსახურების გაწევის შემდეგ მიღება-ჩაბარების აქტის გაფორმებიდან და საგადასახადო ანგარიშფაქტურის შემსყიდველისთვის წარდგენიდან 10 დღის ვადაში.
- 4.3. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.4. ხელშეკრულების ჯამური ღირებულების გადახდის ფორმაა საქართველოს ეროვნულ ვალუტაში უნაღდო ანგარიშსწორება.

მუხლი 5. მხარეთა უფლება-მოვალეობანი

- 5.1. მიმწოდებელი ვალდებულია:
- 5.1.1. შემსყიდველის მიმართვისთანავე, მაგრამ არაუგვიანეს მომდევნო დღისა ჩაატაროს ავტოსატრანსპორტო საშუალების დათვალიერება და წარუდგინოს შემსყიდველს დეფექტური აქტი ხელმოსაწერად.
- 5.1.2. შემსყიდველის მოთხოვნისამებრ, გასწიოს ავტოსატრანსპორტო საშუალებების რეგარეშე და გადაუდებელი მომსახურება.
- 5.1.3. უზრუნველყოს დეფექტურ აქტში მითითებული სამუშაოების დაუყოვნებლივ შესრულება.
- 5.1.4. გასწიოს მომსახურება ხელშეკრულების ძალაში შესვლიდან 2017 წლის 31 დეკემბრამდე.
- 5.1.5. შემსყიდველის მოთხოვნის საფუძველზე მიაწოდოს მას ინფორმაცია ხელშეკრულების პირობების შესრულების თაობაზე.
- 5.2. მიმწოდებელი უფლებამოსილია:
- 5.2.1. მოითხოვოს მომსახურების ღირებულების დროული და სრული გადახდა.
- 5.2.2. მოითხოვოს ხელშეკრულების პირობების დაცვა.
- 5.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.
- 5.3. შემსყიდველი ვალდებულია:
- 5.3.1. გადაუხადოს მიმწოდებელს ხელშეკრულების ჯამური ღირებულება მომსახურების გაწევის შემდეგ ამ ხელშეკრულებით დადგენილი წესით.
- 5.3.2. შეამოწმოს გაწეული მომსახურების შესაბამისობა ხელშეკრულებით დადგენილ ხარისხთან.
- 5.4. შემსყიდველი უფლებამოსილია:
- 5.4.1. განაცხადოს პრეტენზია გაწეულ მომსახურებასთან დაკავშირებით, თუ იგი არ შეესაბამება ხელშეკრულებით დადგენილ მოთხოვნებს.
- 5.4.2. განახორციელოს კონტროლი და ზედამხედველობა ხელშეკრულების შესრულებაზე.
- 5.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

მუხლი 6. მხარეთა პასუხისმგებლობა

- 6.1. ხელშეკრულებით, დეფექტური აქტში გათვალისწინებულ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ჯამური ღირებულების 0.1%-ის ოდენობით ყოველი გადაგადაცილებული დღისთვის.
- 6.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი ღირებულების 0,1%-ის ოდენობით ყოველი გადაგადაცილებული დღისთვის.
- 6.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

მუხლი 7. ფორს-მაჟორი

- 7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 7.2. ხელშეკრულებს მიზნებისთვის "ფორს-მაჟორი" ნიშნავს მხარეებისთვის გადაუღაზავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

მუხლი 8. ხელშეკრულების შეწყვეტა

- 8.1. შემსყიდველი უფლებამოსილია მოთიანად ან ნაწილობრივ შეწყვიტოს ხელშეკრულება მეორე მხარისათვის წინასწარი შეტყობინების შემდეგ:
 - 8.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვად(ებ)ში არ შეუძლია მომსახურების გაწევა.
 - 8.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.
 - 8.1.3. საქართველოს კანონმდებლობით გათვალისწინებულ სხვა შემთხვევებში.
 - 8.1.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.

- 8.1.5. ამ მუხლის 8.1. პუნქტის თანახმად, ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს ხელშეკრულების შეწყვეტის განზრახვის თაობაზე არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალების გამოყენებით.

მუხლი 9. ხელშეკრულებაში ცვლილებებისა და დამატებების განხორციელების წესი

- 9.1. ხელშეკრულების ნებისმიერი ცვლილება ან დამატება უნდა გაფორმდეს წერილობითი ფორმით.
- 9.2. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 10. დავების გადაწყვეტა

- 10.1. მხარეები ვალდებული არიან მოაგვარონ ყველა უთანხმოება მოლაპარაკების გზით. ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

მუხლი 11. ხელშეკრულების მოქმედების ვადა

- 11.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის საფუძველზე -----დან და მოქმედებს -----მდე.

მუხლი 12. დასკვნითი დებულებები

- 12.1. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელშეკრულების მხარეებთან.

მუხლი 13. მხარეთა ხელმოწერები

შემსყიდველის სახელით:

მიმწოდებლის სახელით:

ხელმოწერა და თანამდებობა

ხელმოწერა და თანამდებობა
